



Seljord kommune

Møteprotokoll

Utval: **Kommunestyret**

Møtestad: Kommunestyresalen, Kommunehuset

Møtedato: 28.01.2016

Møtetid: 18:00 – 23:00

Fylgjande faste medlemmer var til stades:

Navn	Funksjon	Representerer
Trond Johnsen	Medlem	AP
Jon Svartdal	Varaordførar	H
Eivind Skogheim	Medlem	AP
Edvard Mæland	Medlem	H
Hallgeir Ofte	Medlem	AP
John Olav Haugetuft	Medlem	SP
Kristian Espeland	Medlem	KRF
Marianne Vadder	Medlem	SP
Hanne Nordgaard	Medlem	AP
Margit E. Karlsen-Rinde	Medlem	V
Henry Mæland	Medlem	SP
Halfdan Haugan	Ordførar	AP
Beate Marie Dahl Eide	Medlem	SP
Lars Bjaadal	Medlem	SP
Peter Fjågesund	Medlem	MDG
Pia Camilla Robertsen	Medlem	H
Mona Helen Haugan	Medlem	AP
Liv Grethe Ekre	Medlem	SP

Fylgjande medlemmer hadde meldt forfall:

Navn	Funksjon	Representerer
Solveig Sundbø Abrahamsen	MEDL	H
Arvid Martin Vala	MEDL	FRP
Gunnar Eilefstjønn	MEDL	H

Fylgjande varamedlemmer møtte:

Navn	Møtte for	Representerer
Asbjørn Storrusten	Gunnar Eilefstjønn	H
Mogens Hougaard Iversen	Arvid Martin Vala	FRP
Roar Slinde	Solveig Sundbø Abrahamsen	H

Beate Marie Dahl Eide perm. f.o.m.sak 4/16.

Til stades frå administrasjonen:

Navn	Stilling
Kari Gro Espeland	Rådmann
Ronde Schade	Kommunalsjef
Frid Berge	Kommunalsjef
Rolf Henning Jensen	Kommunalsjef

Protokollunderskrifter:

Halfdan Haugan

Henry Mæland

Saksliste

Utvals- saksnr	Innhald	Lukka
	Saker til handsaming	
PS 1/16	Busetting av flyktingar i Seljord kommune 2016-2019	
PS 2/16	Innbyggjarhøyring i samband med kommunereform	
PS 3/16	Intensjonsavtale som grunnlag for innbyggjarhøyring	
PS 4/16	Utvida barnehageopptak i Seljord kommune	
PS 5/16	Samanslåing av Kviteseid forliksråd og Seljord forliksråd	
PS 6/16	Initiativ frå Kvitesid kommune om utvida samarbeid innan helsetenesta	
PS 7/16	Søknad om fritak frå vervet som meddomar i tingretten	
PS 8/16	Val av nye medomrarar til tingretten	
PS 9/16	Ibsenspelet AS - søknad om prosjektstøtte til Ibsenspelet i Seljord 2016	
PS 10/16	Grunnlagsdokument for utvikling av RV 41	
PS 11/16	Oppfylging av ny Arbeidsmiljølov § 14-9, mellombels tilsetting	
PS 12/16	Reglement for politiske møte	
PS 13/16	Web-overføring av kommunestyremøta	
PS 14/16	Val av represnetant til styret i Seljord næringshage eideom AS	

Saker til handsaming

PS 1/16 Busetting av flyktingar i Seljord kommune 2016-2019

Administrasjonen vil utarbeide ein plan for korleis ein skal realisere det utvida mottaket i planperioden og legge det fram for kommunestyret i løpet av 2016.

Rådmannen si tilråding:

Seljord kommune opprettheld vedtaket frå 17.12.2015 om busetting av 16 flyktingar i 2016 og at dette i hovudsak skal vere barnefamiliar.

Seljord kommune kan i perioden 2017 til 2019 busette

- 2017 Inntil 20 flyktingar.
- 2018 Inntil 20 flyktingar.
- 2019 Inntil 20 flyktingar.

Frå og med 2017 kan kommunen busette 10 einslege mindreårige.

Dersom ein ikkje lykkast med busetting etter plantalet det aktuelle året blir plassane overført til neste år i planperioden.

Vedtaket inkluderer ikkje familiesameinte.

Handsaming i Formannskap/økonomiutval - 14.01.2016

Samrøystes vedteke.

Vedtak i Formannskap/økonomiutval - 14.01.2016

Formannskapet rår kommunestyret til å oppretthalde vedtaket frå 17.12.2015 om busetting av 16 flyktingar i 2016 og at dette i hovudsak skal vere barnefamiliar.

Seljord kommune kan i perioden 2017 til 2019 busette

- 2020 Inntil 20 flyktingar.
- 2021 Inntil 20 flyktingar.
- 2022 Inntil 20 flyktingar.

Frå og med 2017 kan kommunen busette 10 einslege mindreårige.

Dersom ein ikkje lykkast med busetting etter plantalet det aktuelle året blir plassane overført til neste år i planperioden.

Vedtaket inkluderer ikkje familiesameinte.

Handsaming i Kommunestyret - 28.01.2016

Framlegg frå Frp:

Saka vert utsette til dei økonomiske konsekvensane er betre utgreidd.

Avrøysting:

Framlegget frå Frp fall med 1 mot 20 røyster.

Framlegg frå H., Ap., Krf., V., Sp og MDG:

Kommunestyret vedtek busetting av 16 flyktningar i 2016, dette skal i hovudsak skal vere barnefamiliar og inntil 5 einslege mindreårige i alderen 0-18 år.

Seljord kommune kan i perioden 2017 til 2019 busette

2017 om lag 20 flyktningar.

2018 om lag 20 flyktningar.

2019 om lag 20 flyktningar.

Frå og med 2017 kan kommunen busette 10 einslege mindreårige i aldersgruppa 0-18 år.

Dersom ein ikkje lykkast med busetting etter plantalet det aktuelle året blir plassane overført til

neste år i planperioden.

Vedtaket inkluderer ikkje familiesameinte.

Avrøyting:

Framlegget frå H., Ap., Krf., V., Sp og MDG vart vedteke med 20 mot 1 røyst.

Vedtaket vart ikkje sett opp i mot rådmannen si tilråding.

Vedtak i Kommunestyret - 28.01.2016

Kommunestyret vedtek busetting av 16 flyktningar i 2016, dette skal i hovudsak skal vere barnefamiliar og inntil 5 einslege mindreårige i alderen 0-18 år.

Seljord kommune kan i perioden 2017 til 2019 busette

2017 om lag 20 flyktningar.

2018 om lag 20 flyktningar.

2019 om lag 20 flyktningar.

Frå og med 2017 kan kommunen busette 10 einslege mindreårige i aldersgruppa 0-18 år.

Dersom ein ikkje lykkast med busetting etter plantalet det aktuelle året blir plassane overført til neste år i planperioden.

Vedtaket inkluderer ikkje familiesameinte.

PS 2/16 Innbyggjarhøyring i samband med kommunereform

Rådmannen si tilråding:

Formannskapet rår kommunestyret til å fatte fylgjande vedtak:

Innbyggjarane si meining skal høyrast i samband med kommunereforma.

Kommunestyre vel å nytte innbyggjarundersøking som metode når alternativa til kommunesamanslåing ligg føre.

Handsaming i Formannskap/økonomiutval - 14.01.2016

Rådmannen si tilråding:

Formannskapet rår kommunestyret til å fatte fylgjande vedtak:

Kommunestyre vel å nytte innbyggjarundersøking og folkeavrøysting når alternativa til kommunesamanslåing ligg føre. Kommunen nyttar den rammeavtala som er inngått for å gjennomføre undersøkinga.

Det vert sett ned eit ad-hoc utval som planlegg og har ansvar for gjennomføring av informasjon til innbyggjarane. Ordførar, varaordførar og opposisjonsleiar utgjer ad-hoc utvalet saman med rådmannen.

Rådmannen si tilråding samrøystes vedteke

Vedtak i Formannskap/økonomiutval - 14.01.2016

Formannskapet rår kommunestyret til å fatte følgjande vedtak:

Kommunestyre vel å nytte innbyggjarundersøking og folkeavrøysting når alternativa til kommunesamanslåing ligg føre. Kommunen nyttar den rammeavtala som er inngått for å gjennomføre undersøkinga.

Det vert sett ned eit ad-hoc utval som planlegg og har ansvar for gjennomføring av informasjon til innbyggjarane. Ordførar, varaordførar og opposisjonsleiar utgjer ad-hoc utvalet saman med rådmannen.

Handsaming i Kommunestyret - 28.01.2016

Formannskapet si tilråding vart samrøystes vedteke.

Vedtak i Kommunestyret - 28.01.2016

Kommunestyre vel å nytte innbyggjarundersøking og folkeavrøysting når alternativa til kommunesamanslåing ligg føre. Kommunen nyttar den rammeavtala som er inngått for å gjennomføre undersøkinga.

Det vert sett ned eit ad-hoc utval som planlegg og har ansvar for gjennomføring av informasjon til innbyggjarane. Ordførar, varaordførar og opposisjonsleiar utgjer ad-hoc utvalet saman med rådmannen.

PS 3/16 Intensjonsavtale som grunnlag for innbyggjarhøyring

Rådmannen si tilråding:

1. Kommunestyret vedtek at forhandlingsutvalet som består av ordførar, varaordførar og opposisjonsleiar, forhandlar på vegne av kommunestyret i saker som vedkjem kommunereform.
2. Kommunestyret gjev forhandlingsutvalet mandat til å samarbeide med Hjartdal og dei kommunane som ynskjer det i Vest-Telemark for å få på plass ei intensjonsavtale.
3. Kommunestyret gjev forhandlingsutvalet mandat til å be Kviteseid og Nissedal om å forhandle fram ei revidert intensjonsavtale.
4. Kommunestyret vel å slutte seg til intensjonsavtala med Nissedal og Kviteseid som grunnlag for innbyggjarhøyring, slik avtala ligg føre 29. februar 2016.
5. Kommunestyret tek rapporten frå Telemark forsking til orientering, og stiller seg positive til at utvida interkommunalt samarbeid i Vest-Telemark blir vurdert, uavhengig av ny kommunestruktur.

Handsaming i Kommunestyret - 28.01.2016

Framlegg frå H., Ap. og Krf.

1. Kommunestyret vedtek at forhandlingsutvalet som består av ordførar, varaordførar og opposisjonsleiar, forhandlar på vegne av kommunestyret i saker som vedkjem kommunereform.
2. Kommunestyret gjev forhandlingsutvalet mandat til å samarbeide med Hjartdal og dei kommunane som ynskjer det i Vest-Telemark for å få på plass ei intensjonsavtale.
3. Kommunestyret gjev forhandlingsutvalet mandat til å be Kviteseid og Nissedal om å forhandle fram ei revidert intensjonsavtale innan 29.02.16.
5. Kommunestyret tek rapporten frå Telemark forsking til orientering, og stiller seg positive til at utvida interkommunalt samarbeid i Vest-Telemark blir vurdert, uavhengig av ny kommunestruktur.

Avrøysting:

Framlegget frå H., Ap. og Krf. vart samråystes vedtek.

Vedtak i Kommunestyret - 28.01.2016

1. Kommunestyret vedtek at forhandlingsutvalet som består av ordførar, varaordførar og opposisjonsleiar, forhandlar på vegne av kommunestyret i saker som vedkjem kommunereform.
2. Kommunestyret gjev forhandlingsutvalet mandat til å samarbeide med Hjartdal og dei kommunane som ynskjer det i Vest-Telemark for å få på plass ei intensjonsavtale.
3. Kommunestyret gjev forhandlingsutvalet mandat til å be Kviteseid og Nissedal om å forhandle fram ei revidert intensjonsavtale innan 29.02.16.
5. Kommunestyret tek rapporten frå Telemark forsking til orientering, og stiller seg positive til at utvida interkommunalt samarbeid i Vest-Telemark blir vurdert, uavhengig av ny kommunestruktur.

PS 4/16 Utvida barnehageopptak i Seljord kommune

Rådmannen si tilråding:

Utval for hovedopptak i barnehagane gjennomfører opptak av barnehageplassar etter barnehageloven. Utval for etteropptak gjennomfører etteropptak i tidsrommet september til 1.mai.

Retten til etteropptak er knytt til søkerar/barn utan tilbod i barnehage og søknader om endring av plass, jf. vedtekene for barnehagane.

Ein føresetnad for etteropptak er at det er ledig areal i barnehagen og at bemanninga blir auka i samsvar med opptaket.

Meirkostnad grunna utvida etteropptak i 2016 blir finansiert av disposisjonsfond.

Handsaming i Formannskap/økonomiutval - 14.01.2016

Framlegg frå Sp. og V.:

Rådmannen sitt framlegg med tillegg:

Meirkostnad grunna utvida etteropptak i 2016 blir finansiert av disposisjonsfond innanfor ei ramme på kr. 1mill.

Rådmannen si tilråding med tillegget frå Sp vart samrøystes vedteke

Vedtak i Formannskap/økonomiutval - 14.01.2016

Formannskapet rår Kommunestyret til å fatte følgjande vedtak:

Utval for hovudopptak i barnehagane gjennomfører opptak av barnehageplassar etter barnehageloven. Utval for etteropptak gjennomfører etteropptak i tidsrommet september til 1.mai.

Retten til etteropptak er knytt til søkerar/barn utan tilbod i barnehage og søknader om endring av plass, jf. vedtekene for barnehagane.

Ein føresetnad for etteropptak er at det er ledig areal i barnehagen og at bemanninga blir auka i samsvar med opptaket.

Meirkostnad grunna utvida etteropptak i 2016 blir finansiert av disposisjonsfond innanfor ei ramme på kr. 1mill.

Handsaming i Kommunestyret - 28.01.2016

Framlegg frå H., Ap. og Krf.

Tillegg til tilrådinga frå formannskapet:

Formannskapet set ned eit ad-hoc utval som ser på bemanning, opptak, opningstider og økonomi.

Avrøyting:

Framlegget frå H., Ap. og Krf. vart samrøystes vedtek med 20 røyster.

Vedtak i Kommunestyret - 28.01.2016

Utval for hovudopptak i barnehagane gjennomfører opptak av barnehageplassar etter barnehageloven. Utval for etteropptak gjennomfører etteropptak i tidsrommet september til 1.mai.

Retten til etteropptak er knytt til søkerar/barn utan tilbod i barnehage og søknader om endring av plass, jf. vedtekene for barnehagane.

Ein føresetnad for etteropptak er at det er ledig areal i barnehagen og at bemanninga blir auka i samsvar med opptaket.

Formannskapet set ned eit ad-hoc utval som ser på bemanning, opptak, opningstider og økonomi.

Meirkostnad grunna utvida etteropptak i 2016 blir finansiert av disposisjonsfond innanfor ei ramme på kr. 1mill.

PS 5/16 Samanslåing av Kviteseid forliksråd og Seljord forliksråd

Rådmannen si tilråding:

Kommunestyre vedtek å slå saman forliksrådet i Seljord kommune med forliksrådet i Kviteseid kommune. I det nye forliksrådet har Seljord kommune to fase medlemer (av både kjønn) pluss 3. vararepresentant, medan Kviteseid har leiar pluss 1. og 2. vararepresentant.

I neste valperiode vert det snudd, slik at Seljord har leiaren pluss 1. og 2. vararepresentant og Kviteseid får to faste medlemer og 3. vara.

Handsaming i Kommunestyret - 28.01.2016

Framlegg frå H., Ap. og Krf.

Kommunestyre vedtek å slå saman forliksrådet i Seljord kommune med forliksrådet i Kviteseid kommune. I det nye forliksrådet har Seljord kommune to faste medlemer (av både kjønn) pluss 3. vararepresentant, medan Kviteseid har eit fast medlem pluss 1. og 2. vararepresentant.

I neste valperiode vert det snudd, slik at Seljord har eit fast medlem pluss 1. og 2. vararepresentant og Kviteseid får to faste medlemer og 3. vara.

Avrøyting:

Framlegget frå H., Ap. og Krf. vart samrøystes vedtek med 20 røyster.

Vedtak i Kommunestyret - 28.01.2016

Kommunestyre vedtek å slå saman forliksrådet i Seljord kommune med forliksrådet i Kviteseid kommune. I det nye forliksrådet har Seljord kommune to faste medlemer (av både kjønn) pluss 3. vararepresentant, medan Kviteseid har eit fast medlem pluss 1. og 2. vararepresentant.

I neste valperiode vert det snudd, slik at Seljord har eit fast medlem pluss 1. og 2. vararepresentant og Kviteseid får to faste medlemer og 3. vara.

PS 6/16 Initiativ frå Kvitesid kommune om utvida samarbeid innan helsetenesta

Rådmannen si tilråding:

Formannskapet rår kommunestyret til å fatte følgjande vedtak:

Rådmannen sett ned ei arbeidsgruppa som består av medisinsk fagleg rådgjevar og kommunalsjef for helse –og omsorg i kommunane Kviteseid og Seljord.

Arbeidsgruppa får i mandat å vurdere mogeleg utvida samarbeid innan helsetenestene i dei to kommunane. I prioriteringane skal det takas omsyn til økonomi og kvalitet. Arbeidsgruppa si vurdering skal danne grunnlag for ev. vidare utgreiing av samarbeid.

Kommunestyret fattar endeleg avgjer om vidare oppfølging av arbeidsgruppa si tilråding.

Handsaming i Formannskap/økonomiutval - 14.01.2016

Samrøystes vedteke.

Vedtak i Formannskap/økonomiutval - 14.01.2016

Formannskapet rår kommunestyret til å fatte følgjande vedtak:

Rådmannen sett ned ei arbeidsgruppa som består av medisinsk fagleg rådgjevar og kommunalsjef for helse –og omsorg i kommunane Kviteseid og Seljord.
Arbeidsgruppa får i mandat å vurdere mogeleg utvida samarbeid innan helsetenestene i dei to kommunane. I prioriteringane skal det takas omsyn til økonomi og kvalitet. Arbeidsgruppa si vurdering skal danne grunnlag for ev. vidare utgreiing av samarbeid.
Kommunestyret fattar endeleg avgjer om vidare oppfølging av arbeidsgruppa si tilråding.

Handsaming i Kommunestyret - 28.01.2016

Formannskapet si tilråding vart samrøystes vedteke med 20 røyster.

Vedtak i Kommunestyret - 28.01.2016

Rådmannen sett ned ei arbeidsgruppa som består av medisinsk fagleg rådgjevar og kommunalsjef for helse –og omsorg i kommunane Kviteseid og Seljord.
Arbeidsgruppa får i mandat å vurdere mogeleg utvida samarbeid innan helsetenestene i dei to kommunane. I prioriteringane skal det takas omsyn til økonomi og kvalitet. Arbeidsgruppa si vurdering skal danne grunnlag for ev. vidare utgreiing av samarbeid.
Kommunestyret fattar endeleg avgjer om vidare oppfølging av arbeidsgruppa si tilråding.

PS 7/16 Søknad om fritak frå vervet som meddomar i tingretten

Rådmannen si tilråding:

Sissel Aasarød Ofte får fritak frå vervet som meddomar i tingretten ut den perioden ho er vald for (fram til 31.12. 2016).

Handsaming i Kommunestyret - 28.01.2016

Halgeir Ofte var inhabil i saka.

Avrøysting:

Rådmannen si tilråding vart samrøystes vedteke med 19 røyster.

Vedtak i Kommunestyret - 28.01.2016

Sissel Aasarød Ofte får fritak frå vervet som meddomar i tingretten ut den perioden ho er vald for (fram til 31.12. 2016).

PS 8/16 Val av nye medomrarar til tingretten

Rådmannen si tilråding:

Handsaming i Kommunestyret - 28.01.2016

Eivind Skogheim var inhabil i saka.

Avrøysting:

Valnemnda si tilråding vart samrøystes vedteke med 19 røyster.

Vedtak i Kommunestyret - 28.01.2016

Kristian Espeland erstattar Dag Svartdal
Gunn M. Skogheim erstattar Sissel Ofte

PS 9/16 Ibsenspelet AS - søknad om prosjektstøtte til Ibsenspelet i Seljord 2016

Seljordspelet var det nest eldste utespelet i Norge til det blei lagt ned i 2002, etter 42 år i ubroten tradisjon. I åra 2005 – 2007 blei det nye Seljordspelet Edvard Hoems "Presten Landstad og Jomfru Crøger" sett opp. I 2007 blei Stiftinga Seljordspelet stifta for å vidareføre, utvikle og profesjonalisere teatertradisjonane i Seljord, både kunstrarleg og teknisk. Seljord kommune var ein av stifterane saman med Seljord kunstforeining, Seljord Revy og Teaterlag, Seljord Sparebank og delar av næringslivet i Seljord. I 2015 blei Ibsenspelet AS etablert og overtok ansvaret for å vidareføre Ibsenprosjektet.

Ibsenspelet AS skriv m.a. i sin søknad;

Ibsenspelet skal være ein produksjon som føyer seg inn i toppsjiktet av spel her i landet med overraskande og spektakulære løysingar som vil trollbinde publikum. Det ser vi som ein føresetnad for suksess og sal i det omfang vi tar sikte på. Scenografien er ytre sett enkel, men teknisk avansert, såleis at sceneelement endrar og flytter seg i takt med spelets gang.

Videoprojisering mot den kvite kyrkjeveggen og mot sceneelement vil gje farge, liv og dramatiske effektar. Eit amfi med omlag 700 plasser skal syte for at heile publikum har god sikt til alt som foregår. Rundt 60 store og små medverkande i kostymer og i ulike roller bidrar til å gje spelet format.

Ibsenspelet skal framførast med 4 framsyningar i august 2016.

Ibsenspelet vil få fram Seljord som Ibsenstad. Det kan vera viktig dersom det blir ei nasjonal satsing på Ibsen-turisme. Tanken er då at turistar kvar sommar i tida juni – august alltid vil finne ei framsyning av eit Ibsenstykke ein stad i Noreg. Anten det no er på Gålå, Nationaltheatret, Teater Ibsen i Skien, Fjæreheia ved Grimstad eller i Seljord. Planen er at prosjektet skal vidareførast i august kvart år framover. Spelplassen blir på Seljords tusenårsstad i hellinga bak Seljord kyrkje og rundt kyrkja. Publikumstribuner med 700 plassar blir plassert på sletta.

Økonomiske føresetnader:

Prosjektet er ei tøff satsing, utgiftene er budsjettera til nesten kr. 3,5 mill. Finansieringsplanen er, ved sida av billettinntekter på om lag kr. 1 million, på om lag kr. 2,5 millionar i all hovudsak basera på tilskot frå mellom anna Norsk kulturråd, Telemark fylkeskommune, Teateralliansen, Fritt ord, fond for utøvande kunstnarar, Seljord kommune og lokale sponsorar, der Natadal sponsor utgjer kr. 320.000,-.

Ibsenspelet har som mål å skape attraktivitet, byggje omdømme og utvikle Seljord sin identitet kopla til kultur og soger. Dette er i tråd med både Telemarkforsking sine anbefalingar om attraksjonsstrategi og Telemark fylkeskommune si satsing på kulturbasert næringsutvikling.

Vurdering

Seljord kommune har i formannskapssak 72/15, løyvd kr 30.000,- til oppsettinga av Ibsenspelet. Såleis har kommune allereie løyvd midlar til prosjektet i 2015. Det er no behov for ei større løying for å få prosjektet i hamn. Det er uttala at det er særslig positivt for søknaden til Norsk kulturråd at både lokale og regionale mynde stør satsinga.

Kommunen sin rolle i større kultursingar må i fyrste omgang vere å leggje til rette for at satsinga kan realiseras. Kommunen bør bistå søker/ initiativtakar med kor/ korleis ein kan søkje midlar, knytte kontakt med nettverk og støtte økonomisk gjennom løyingar til gjennomføring av arrangement. Seljord kommune bør sjå til Norsk kulturråd når ein skal vurdere kunstnarisk kvalitet og storleiken på lokal stønad. Det er praksis i ein del kommunar å fordele prosjekt i ei 60-20-20 løysning. Det vil sei at Norsk kulturråd står for 60% av stønaden,

fylkeskommunen 20% av stønaden og Seljord kommune 20% av stønaden. Seljord kommune har allereie løyva kr. 40.000,- i 2014/15 og såleis bør ei leggje seg på 15% av summen Norsk kulturråd innstiller til prosjektet. Søknadssummen er totalt kr 700 000 (jamfør vedlegg).

Eit Ibsen-prosjekt, med den storleik som er skildra, vil vera svært positiv og kan vera med på å utvikle kulturbygda Seljord. Det at mange folk kjem til Seljord og tilbringar tid her, vil vera med på å styrke næringslivet generelt og eit fast Ibsen-spel vil marknadsføre Seljord på ein svært positiv måte.

Kulturbasera næringsliv/ kulturelle prosjekt er viktig næring i Seljord og eit slikt prosjekt må vera innanfor det kommunale Næringsfondet/ Kraftfond sitt føremål.

Rådmannen si tilråding:

Rådmannen rår Kommunestyret gjere følgjande vedtak:

Seljord kommune løyver som prosjektstøtte til Ibsenspelet AS, 15% av summen som Norsk kulturråd løyver prosjektet Ibsenspelet 2016 – summen kan likevel ikkje overstige kr 100.000.

Løyvinga er av Næringsfond/ kraftfond.

Handsaming i Kommunestyret - 28.01.2016

Asbjørn Storrusten var inhabil i saka.

Avrøysting:

Rådmannen si tilråding vart vedteke med 18 mot 1 røyst.

Vedtak i Kommunestyret - 28.01.2016

Seljord kommune løyver som prosjektstøtte til Ibsenspelet AS, 15% av summen som Norsk kulturråd løyver prosjektet Ibsenspelet 2016 – summen kan likevel ikkje overstige kr 100.000.

PS 10/16 Grunnlagsdokument for utvikling av RV 41

Rådmannen si tilråding:

Kommunestyre slutter seg til dei tilrådingane som Statens vegvesen, region sør gjev til tiltak og prioriteringar i Grunnlagsdokument for utvikling av RV 41 .

Handsaming i Formannskap/økonomiutval - 14.01.2016

Samrøystes vedteke.

Vedtak i Formannskap/økonomiutval - 14.01.2016

Formannskapet rår Kommunestyret til å slutte seg til dei tilrådingane som Statens vegvesen, region sør gjev til tiltak og prioriteringar i Grunnlagsdokument for utvikling av RV 41 .

Handsaming i Kommunestyret - 28.01.2016

Formannskapet si tilråding vart samrøystes vedteke med 20 røyster.

Vedtak i Kommunestyret - 28.01.2016

Kommunestyre slutter seg til dei tilrådingane som Statens vegvesen, region sør gjev til tiltak og prioriteringar i Grunnlagsdokument for utvikling av RV 41 .

PS 11/16 Oppfylging av ny Arbeidsmiljølov § 14-9, mellombels tilsetting**Rådmannen si tilråding:**

Formannskapet rår kommunestyret til å fatte fylgjande vedtak: Seljord kommune som arbeidsgjevar fylgjer Arbeidsmiljølovas § 14-9 slik den sto før lovendringa av 1.7.2015.

Handsaming i Formannskap/økonomiutval - 14.01.2016

Samrøystes vedteke.

Vedtak i Formannskap/økonomiutval - 14.01.2016

Formannskapet rår kommunestyret til å fatte fylgjande vedtak: Seljord kommune som arbeidsgjevar fylgjer Arbeidsmiljølovas § 14-9 slik den sto før lovendringa av 1.7.2015.

Handsaming i Kommunestyret - 28.01.2016**Avrøysting:**

Formannskapet sitt framlegg vart vedteke med 12 mot 8 røyst.

Vedtak i Kommunestyret - 28.01.2016

Seljord kommune som arbeidsgjevar fylgjer Arbeidsmiljølovas § 14-9 slik den sto før lovendringa av 1.7.2015.

PS 12/16 Reglement for politiske møte**Rådmannen si tilråding:**

Formannskapet rår kommunestyre til å fatte fylgjande vedtak:
Reglement for politiske møte vert godkjent slik det går fram av saksutgreiinga.

Handsaming i Formannskap/økonomiutval - 14.01.2016

Framlegg frå Sp og V

Rådmannen sitt framlegg med tillegg i punkt 21:

I tilknyting til ein interpellasjon kan interpellanten framsette forslag.

Rådmannen sitt framlegg med tillegget frå Sp vart samrøystes vedteke

Vedtak i Formannskap/økonomiutval - 14.01.2016

Formannskapet rår kommunestyre til å fatte fylgjande vedtak:
Reglement for politiske møte vert godkjent slik det går fram av saksutgreiinga,

med tillegget frå Sp.

Handsaming i Kommunestyret - 28.01.2016

Framlegg frå H., Ap. og Krf.

Kommunestyret sluttar seg til formannskapet sitt framlegg med følgjande endringar:

Punkt 13. Utgreiing frå ordførar/møteleiar.

Andre setning endrast frå

«Ligg det føre tilråding frå formannskap/utval eller rådmann, blir dette lese opp.» til

Blir det fremma andre framlegg til vedtak enn det som er innstillinga, blir desse lesne opp.

Punkt 21. Førespurnader til ordføraren,

avsnittet under spørsmål endras frå å lyde:

«**Spørsmål**

Spørsmålet skal vere skriftleg, og skal vere ordførar i hende seinast 3 virkedagar før kommunestyremøtet. Ved handsaming av spørsmål, kan berre spørjaren og ordførar få ordet.

Spørjaren for ordet for å stille spørsmålet og ordførar får ordet for å gi svaret. Taletid er avgrensa til 3 minutt. Kvar av dei kan i tillegg få ordet ein gong med taletid på inntil 2 minutt for å stille eventuelt tilleggsspørsmål og gje svar på dette. Ingen andre har høve til å få ordet eller ta del i handsaminga av spørsmålet. Det er ikkje høve til replikk.»

Til å lyde:

Spørsmål

Spørsmålet skal vere skriftleg, og skal vere ordførar i hende seinast 3 virkedagar før kommunestyremøtet. Ved handsaming av spørsmål, kan berre spørjaren og ordførar få ordet.

*Spørjaren får ordet for å stille spørsmålet og ordførar får ordet for å gi svaret. Taletid er avgrensa til 3 minutt **for spørjar.** **Spørjar** kan i tillegg få ordet ein gong **til** med taletid på inntil 2 minutt for å stille eventuelt tilleggsspørsmål og **ordførar får høve til** å gi svar på dette. Ingen andre har høve til å få ordet eller ta del i handsaminga av spørsmålet. Det er ikkje høve til replikk.*

Punkt 21. Førespurnader til ordføraren, avsnittet under Interpellasjon endras frå å lyde:

(Formannskapet sitt vedtak om tillegg er innarbeida)

«**Interpellasjon**

Interpellasjon skal nyttast når ei meir prinsipiell problemstilling eller tilhøve blir reist.

Interpellasjonen skal vere skriftleg, skal stilast til ordføraren og skal vere ordføraren i hende

seinast 6 virkedagar før kommunestyremøtet. Om mogleg bør ein interpellasjon kome ordføraren i hende så tidleg at den kan sendast ut saman med sakspapira.

Ved handsaming av interpellasjonar, kan interpellanten og ordføraren kvar få ordet i inntil 5

minutt for å fremje interpellasjonen og gje svaret. I tillegg kan interpellanten og ordføraren få ordet inntil 2 gonger kvar, kvar gong med taletid inntil 2 minutt. Andre medlemmer av kommunestyret kan få ordet 1 gong med taletid på inntil 2 minutt. Det er ikke høve til replikk.

I tilknyting til ein interpellasjon kan interpellanten framsette forslag»

Til å lyde:

Interpellasjon

Interpellasjon skal nyttast når ei meir prinsipiell problemstilling eller tilhøve blir reist.

Interpellasjonen skal vere skriftleg, skal stilst til ordføraren og skal vere ordføraren i hende

seinast 6 virkedagar før kommunestyremøtet. Om mogleg bør ein interpellasjon kome ordføraren i hende så tidleg at den kan sendast ut saman med sakspapira.

Ved handsaming av interpellasjonar, **kan interpellanten i inntil 5minutt få ordet for å fremje interpellasjonen og ordføraren får ordet for å gje sitt svar.** I tillegg kan interpellanten og ordføraren få ordet inntil 2 gonger kvar, interpellanten gis taletid i inntil 2 minutt. Andre medlemmer av kommunestyret kan få ordet 1 gong med taletid på inntil 2 minutt. Det er ikke høve til replikk.

I tilknyting til ein interpellasjon kan interpellanten framsette forslag. **Forslag til handsaming skal leverast saman med interpellasjonen minst 6 virkedagar før kommunestyret.**

Verknad og årsak til endringsframlegg.

Det bør ikke vere avgrensing i ordføraren si taletid. Det kan vere spørsmål og interpellasjonar som krev lenger tid å svare på enn det tar tid å kommentere skriftleg framlegg som er kjent på førehand.

Forslag til handsaming frå interpellanten bør ikke kome overraskande i møtet.

Framlegg frå Sp., V. og MDG:

Kommunestyret sluttar seg til formannskapet sitt framlegg vert vedteke med fylgjande endringar:

Punkt 4at innkallinga med saksdokument blir sendt ut seinast 1 veke før møte

Punkt 25at det blir referert i protokollen røysteavgjevinga frå dei ulike grupper/ representantar når det ikkje er samråystes vedtak.

Avrøyting:

Kommunestyret vedtek Reglement for politiske møte slik det går fram av formannskapet si tilråding med endringane slik dei går fram av framlegget frå Ap., H., Krf og framlegget frå Sp., V. og MDG.

Samråystes vedteke med 20 røyster.

Vedtak i Kommunestyret - 28.01.2016

Reglement for politiske møte vert godkjent slik det går fram av saksutgreiinga, med tillegget frå H., Ap. og Krf., og Sp., V. og MDG.

PS 13/16 Web-overføring av kommunestyremøta

Rådmannen si tilråding:

Formannskapet rår kommunestyret til å vedta innkjøp av utstyr til kr 75 000 til web-overføring av kommunestyremøte. Utstyret vert finansiert av momskompensasjon kr 15 000 og bunde investeringsfond "Prosjekt 111 Kommunestyresal" kr 60 000. Driftskostnadene vert dekt innan ansvar 112 IT.

Handsaming i Formannskap/økonomiutval - 14.01.2016

Samrøystes vedteke.

Vedtak i Formannskap/økonomiutval - 14.01.2016

Formannskapet rår kommunestyret til å vedta innkjøp av utstyr til kr 75 000 til web-overføring av kommunestyremøte. Utstyret vert finansiert av momskompensasjon kr 15 000 og bunde investeringsfond "Prosjekt 111 Kommunestyresal" kr 60 000. Driftskostnadene vert dekt innan ansvar 112 IT.

Handsaming i Kommunestyret - 28.01.2016

Avrøyting:

Formannskapet si tilråding vart samrøystes vedteke med 20 røyster.

Vedtak i Kommunestyret - 28.01.2016

Kommunestyret vedtek å gå til innkjøp av utstyr til kr 75 000 til web-overføring av kommunestyremøte. Utstyret vert finansiert av momskompensasjon kr 15 000 og bunde investeringsfond "Prosjekt 111 Kommunestyresal" kr 60 000. Driftskostnadene vert dekt innan ansvar 112 IT.

PS 14/16 Val av represnetant til styret i Seljord næringshage eigedom AS

Rådmannen si tilråding:

Rådmannen legg fram saka utan tilråding

Handsaming i Kommunestyret - 28.01.2016

Valnemnda endra si innstilling til at Magne Reinstaul vert vald som Seljord kommune sin representant i styret for SN Eigedom AS

Avrøyting:

Valnemnda si tilråding vart samrøystes vedteke med 20 røyster.

Vedtak i Kommunestyret - 28.01.2016

Magne Reinstaul vert vald som Seljord kommune sin representant i styret for SN Eigedom AS

